

中国公共图书馆古籍文献珍本汇刊·丛部

天津
图书馆

孤本秘籍丛书

中国公共图书馆古籍文献珍本汇刊·丛部

天津
圖書館

孤本秘籍叢書



任繼愈題



中华全国图书馆文献缩微复制中心

天津图书馆孤本秘籍丛书十册目录

集 部

罗德安先生文集三卷	明罗子理撰	明隆庆四年罗紈刻本	一
白洲诗集三卷	明李士实撰	明正德刻本	四五
东园遗稿二卷	明黄玺撰	明嘉靖刻本	一五九
石联遗稿八卷	明沈爚撰	明万历刻本	二〇七
大椿堂诗选二卷	明杨博撰	明杨俊民辑 明杨俊彦增校	
明万历二十一年裴述祖刻本			三一
张洺南诗集十卷	明张成教撰	明万历刻本	三四九
李氏山房集四卷	明李先芳撰	明隆庆六年刻本	四五五
五体集唐五卷	明朱多炤撰	明刻本	六四七
冯北湖先生鸣春集八卷	明冯光浙撰	明万历三十九年冯烜刻本	六七三
天池杂稿不分卷	明徐渭撰	稿本	七五九

(明) 罗子理撰

罗德安先生文集三卷

明隆庆四年罗紈刻本

羅德安先生文集卷一

德安府同知泰和羅子璽著

朱孫

嗣孫夢

嗣孫文輝謹錄

記

竹屋記

九洲為仙槎勝地洲濱江饒沙石夾江皆沃壤地寡
隙鮮木東距洲十里許山富竹如織遠近資用焉利
川鄒尹避地于是洲居隘無以容遂買竹葺屋兩間

不煩斧斤鑿枘之具齧斷雕鏤之巧編茅以代陶瓦
織葦以當衡門貴庶工簡而事易集其幽勝清爽堅
牢樸素足以蔽風雨之震凌隔烟埃之變滅是宜講
肄燕息而顧神適性於斯也今年夏予客西塾劉君
子高歐君日新俱以去亂來是鄉相去復甚近日與
尹若姪相住還上下或談論經史或酌酒賦詩招座
山之白雲挹秀江之清流以寄傲當世亦艱難中絕
無而僅有也一日劉君為予曰某嘗為孫氏賦竹屋
矣今居此有日子烏得無言予聞昔王禹偁刺黃州
為竹樓非獨侈一時將觀能使後世忻慕者由人使

然也尹是竹屋固不敢與之爭高然清風直節凌厲
絕俗求無愧於古人者非吾黨事乎夫天地如遽廬
日月如傳舍人生寓是間能不泯泯與草木同朽腐
而垂休竹帛者真大丈夫也大江而南兵燹歷紀雄
藩巨鎮雲構翬飛若蜂房若鱗次莽為丘墟較輕重
於今昔曾不資慨歎於一再又曷若不侈材不眩飾
待立自固如是屋也哉鄒君以孝廉尹興山譽著荆
湘二君以經明行修貢於鄉尹姪字孟性盛年善學
有志先烈而弗克丕顯于盛世抑天將堅其操以自
見老其材而晚用殆未可知要不與盛衰易節都同
歸於朽腐也嗚呼竹樓固以禹偁而重矣是屋也安
知不藉諸君之重而使後世亦忻慕耶遂為之記

畊雨記

乘所務莫良於畊時稽其所為務為至庶溢于兩間
猶蠲紆可既乎所秉各不侔然皆有於時需其至無
過不及焉益加懋則所秉之務庶乎其集矣時不可
求於豫少怠則後矣皆弗良於畊而真且乎也雖勞
於所穡而欲其無不集者不幾於誣乎通於為務者
於本必加敦務其本而敦之彼耆耄欲祛而奪焉詎
易與哉古先民不敢薄於耕耨稱於佳牒足法於天

下後世者若樹藝若斂穫以所徵之時無弗應不使
少有勝忒而愧所力於本也故農功告成時云隙暇
爰輯于茅爰理錢鐫庸需靈雨其零陽氣亨奮則駕
牛乘耒有事于旱刈天無屯膏而我公田既霑既足
遂及我私烏敢自逸故戾于時而召譴於天乎於是
載播載植益薙益薈毋使類稼者以亂吾苗也功若
勞而裕獲加倍奚過焉彼怠於食力時云至而罷之
資用者弗備雨既濡而功所當施者弗勤卒而播焉
卒而植焉根莠日滋嘉穀殫苗其不飯且病蓋寡矣
清江饒九成才贍而優於律學典簿書于秦府護衛

德安羅先生文集卷一

三

續

中軍有祿食而慕耕示不損本而施於末務也屬善
篆者書之曰耕而巧文以張之世際雍熙雨暘時若
九成資臺為耒而田于楷時沐王澤以耕時云盛矣
其所徵焉可謂弗良乎第去莠如嫉惡樹稼如宥善
有敢亂苗者宜力芟而罄其類俾苗之良者咸自生
育是能覃王之澤均被于善而惡者不敢少芽蘖於
其間矣雖不躬稼以食其力詎可無實以副所謂耕
雨者哉九成其勗諸

大素山房記

國始於淮為名縣去縣僅百里山竄得名曰大素淮

汝二水經此注匯馳如奔駛羣峯後峙若列屏巖
含輝紫丹華碧爛然而綺張雜然而繡錯斯夕明晦
萬狀千態靡克殫其勝少南有理蛇塚孫升教所瘞
也距西北不三舍為光山司馬溫公實生焉大素岌
凌玄虛深廣礚礚視安陽華陽八公金剛臺猶培塿
施氏世居于山下施於固始為著姓曰霖字季遠施
氏之翹楚也蚤歲從龔有字先生游先生以進士貢
于鄉學最博才極敏富濡莖展椿不構思立就萬言
較昔稱於倚馬者非誣也名大顯於先代執經立館
下者扶輿踵接可偃蹇先生獨異視季遠為忘年交

德安羅先生文集卷一

四

季遠得其學歸結廬于山中題其廬曰大素山房日
夕加勵於誦習自六經子若史下逮醫卜百家之書
靡不讀思學少於先生非博也才亞於先生非富也
賦詩為文章弗侔於先生非雅正也益大肆力靡少
懈無何以學徵官于州省官于部手樞要具有治績
今居長安念山房猶首丘歟于兵誓將重營歸老焉
以予嗜古學俾記之大素得名不可考意大塊拳拊
文與理昭示於穹壤大素峻而尊潔而粹環淮東西
山以萬億計皆弗克與侔並譬宗源而派分者可同
語我以是知大素之靈集於人必度越尋常若升教

歸葬汝母。稱家有無。無廢禮。往還數千里。道里之費。子無資遺焉。子慕龐德公之為人。矯俗弊以安遺子。孫子書遺安二字以遺汝。求鳴於文者。誌予素汝。歸。願于堂。昕夕視之。思自勵。以副予所遺。予不欲俾汝。蹈於愚。蹈於侈。蹈於辱。克食力。不怠于學。誠安矣。奚以厚。蓄浮榮為哉。志未就。尋以疾卒。矩不敢替父命。來徵文。述其槩。嗚呼。先生以廉介考終于官。驗於學。靡少愧矣。擇可遺其子。子安於食。貪力學。以承先生之道。克守焉。克傳焉。克久而垂無窮焉。若太康若無逸。詎必能加察以自懋。不復言之。諄復也。

中和堂記

德安羅先生文集卷一

六

張元理二子長曰中。次曰和。皆原理名之。讀儒書。復從良醫師學。倉公扁鵲之術。原理揭二子之名。願于堂。俾昕夕見之。思用實以副其名。原理可謂善於教子矣。張於南豐為著姓。世業儒。以學鳴者代不乏人。原理克世其業。用當道言薦于朝。授官為藍田簿。懼二子怠於學。愧其所命名。微予文記之。重加勉焉。理出於天賦。予無加損中矣。偏倚過不及。莫有執聖知駕愚。賤貧貴富有不齊者。稟受異氣。濁與清薄。與厚耳。抑分定乎。不戾於和聖。知固能之。駕愚可幾及。

我若貴富若賤貧於今者。亦可企而躋其域乎。衛生無二道。一耳。凡人有生。同於天地。理與氣。天地賦子耳。風雨燠寒天也。飽饑勞逸人為也。攝調有不慎。節宣有不時。能不致疾者鮮矣。精於醫者。候其脉理。察其實虛。補瀉下吐治法也。療之可不謹乎。剛和濕燥。藥性也。用之可不審乎。過者抑之。不及者扶助之。使不愆於和。庶可幾於中矣。苟昧其表裏。不明其實與虛。藥之非其劑。治之非其法。倚一偏以自恃。求無天。開非命而殞者。亦難矣。予未識二子識原理。知其子矣。原理篤厚人也。用法求於中。導民歸於和。官藍田。

德安羅先生文集卷一

七

責實有政聲。嘗曰。醫有相道。國家治平。猶未察於疾。而安於寢處也。二子必能守父訓。精倉公扁鵲之術。無負於聖人之學。有愧於命名。他日有稱醫師之良於江右者。必張氏二子也。

斗春齋記

有容莫加於天地。天地司覆載。巨昌與侔。胎有容也。惟有容。故四序圓焉。冠時為首。稱曰春。播泰和。溢彼無垠。羣彙叨其煦育。發生可數計。可槩量。而喻之我。故大逾連抱。微伴粒粟。細大修短。不齊焉。春悉充周之。不使少有餘不足。疇克測而專有乎。王宗顯氏予。

同里故家子世業儒宗顯極力學喜賦詩為文章洪武十六年徵赴京師俾職教子扶道邑庠扶道近附臨洮為屬邑臨洮遯居西陸地極寒宗顯築斗室深廣適均四時猶春溫昭其顏曰斗春予去鄉二十年去冬會宗顯於長安徵言誌其樂耳其詞溫如也挹其氣充如也與物無少忤蓋如也溫乎若春充乎若春蓋乎惟和咸若春若然以斗春名其齋宜少副矣宗顯職師傳訓迪諸生當春服既成領冠者未冠者詠歌聖化將於聖人之門煦之育之薰陶之俾小大勿壞成遂其生以才者稱侯需用於廟堂解帶食太倉之粟擔石拂雲侈斗升足算乎要在中克有容廊乎伴天地庶能與物皆春焉否則心益狹量益隘非氣乘之求無愧於斗春亦難矣

形影軒記

洪武十七年十有一月甲子朔日長至曦馭戒駢平在朔易河海晏清天地寧謐有曰括蒼高士者道經賜谷憇于蛄夷運昭休明文恬武熙於是延臚璇霄頤形自媚念清泚所賦既集厥躬而浩予其中若有所契也乃詔形勉之曰形吾固有吾匪尔私形色天性敢弗踐之俟有類于形者偶形而附冠履服飾俗

德安羅奎集卷一

人

省

著后土高士始而驚中而愕又終而訝之潛且詰曰有形唯肖天寔賦諸血肉百骸尔奚有歟予生三禩罹父大故孩提焚焚時汝奚寓又十三載予母沒焉形既深墨尔弗形憐彼察察求知於明者予寧甘心韜匿而從昧予思尔之出沒顯晦靡有其恆能不於予而增形之累也世際隆盛尔胡弗休尔無底滯固為贅疣言未既高士益倦且疲天然而卧於林下羣鶴弗鳴謂謂然不知身世之溺於寤寐也亡何有馭鶴而過林下者謂高士曰予前責而斥之者寔予之影也影依形有美客譴呵對待可飲弗喻奈何予肯

德安羅奎集卷一

九

幼孤形孰與偶唯影後焉子亦時觀手足蹈舞影緣形勞婆娑踴躍臨照曷地迨于太肆力於進脩食息晷刻未嘗少廢於佔畢晝或負印影弗子違夜或燭之微影雖恤既而西涉越水東涉吳山疇為後先能保其完緣顯而著由晦而匿顯晦從違影奚能必今子年歲云邁旅食于秦意必有惡影者間於左右而俾之勿相親也凡圓對待理詎可偏陰陽互乘寒暑代遷影萬不伴貴伴於類矧形與影可捐而棄子以予子之形舍乎影亦將奚從宜自今至于老死要不以間者之言而叛乎始終也高士恍然而覺無然而

悟為予道其詳俾書于軒中誌其歲月遂頽之目形影高士姓某字志祥表形影者以示其素云

書屋記

嗜書者稱往古代有人焉求肆力探討教實踐不崇空者殆不多見聖人之道備載六經三代而下世一降而春秋再降而戰國又再降而秦而漢煨燼溫觴之餘六經殘缺道或幾於熄矣韓文公奮興有唐首倡聖學於數千載之下惜無豪傑見者資之暫明而復晦可勝悼哉至宋濂洛諸先生先後輩出輯聖經陸逸紹道學於不傳俾學者知所師尚務實去華

德安羅先生集卷一

有功仕聖先哲詎云小補慈溪吳道延之父他無所嗜惟購書擇師教子且誠道延曰某無以遺子孫惟詩書之澤足裕後而傳永汝宜加勉於誦讀無少廢殆庶幾乎父歿道延謂孝莫大於承先志家有無昨所計竭所有資博購羣書視父所蓄者益加多爰築室以貯之扁之曰書屋無何道延以辟召赴陝西都司掾案牘填委費理暇則事佔畢於父師之訓食息畧刻無敢替尤加飭於行誼人皆曰孝哉道延也間未微言以述其名屋之槩予謂經以載道道者先行實而後文藝子史百家皆羽翼六經而著明夫道者

也書可不蓄乎蓄書者貴知道以尊經豈直言語文字哉彼拘拘於循數涉獵苟且求幾於知道亦難矣今道延克承父志且不忘明師傳之訓是學有端緒譬揚於鼓枻順流馭風又得擅操舟者端其所趨弗造海弗止也道延其懋勗諸

終南別業記

馬文德謫耕於武功之周村山先後聯絡起伏類蜿蜒築室濱於河深廣不逾丈扁之曰終南別業昭所寓也文德四明人美丰度步趨進退無與儀賦詩為文章極有風致不苟為陳腐語疊疊善談論聆之者

德安羅先生集卷一

上

輒忘倦少仕陝尚節槩不拘細行志在四方兵興觀中原由梁入齊道經趙至于燕薦紳諸先達皆折軫行與為交經年寓兵間一旦脫去為吳可肥遯遂謝絕世事隸舊業若將終焉當道聞其名進於朝日侍書于

上上器之擢知無為州事不三年陞同知府事于陝州再陞知府遷于岳尋坐事去官發齊東轉徙陝右文德力耕鑿擇便地以廣畜牧暇則開軒臨流歌詠聖化以自老時延眺終南顧瞻別業曰可無述以托不朽以予故故徵文記之文德豪俊士識達道理異

尋常齷齪者年幾五十天下之迹過半矣之梁之齋之趙之燕兩次皆別業不家食可計矣獨周村隅地尋丈部屋哉蓋以終南非舊鄉別業非先廬捐桑梓棄墳墓母老違距數千里為人子獨不動心遽亡首丘之念乎世之大夫士以官為家嚴則無所於歸有愧楊侯多矣文德志在此不在彼也天或閔其衷俾歸終養以年餘年則予所記當取徵於他日

游藝軒記

象山隸四明為屬縣縣邑最幽勝潘士名世居縣之東為著姓士名由邑庠陞國學國學搢紳諸先生擇

德安羅先生文集卷一

十一

子弟之尤良者為諸生長事無巨細悉委之士名居一焉日夕領羣子弟立館下授先師稱說諸經籍作為文章以著其所業暇則玩游六藝及試劔馳馬角觝之戲靡不習上時一偕召以備使令鮮有弗稱者洪武十二年士名以疾得告還其鄉即所居東構一別室扁之曰游藝軒里徐原瑾尹盤屋之明年迎母就養潘與徐為世姻士名奉令母偕來予獲論交焉士名以予敦古道請文記之夫以藝著稱往古代有其人若羿之射遠之九旭之於書師曠之於音是皆精於藝者著在方冊求行無纖疵玩適軌於中

道者可僂數士名居國學豈一朝夕其於名師傳之訓往聖先哲之善行聞之熟服之爛然矣先正有曰先學行而後文藝予以士名聰悟過人思其相近習而行弗加焉嗜末捐本以一方藝微譽於一時夫其序弗較其重輕俾若遠若羿若旭若師曠藝雖精奚足尚哉故記一言於座右為士名勸士名必加審而自擇焉

梅隱記

徐君晞禹鄭之孝感人也雅好梅嘗治別業樹梅數十株日哦詩於其下超然無塵俗氣因自號曰梅隱

德安羅先生文集卷一

十一

當道者聞其名薦居詞苑君時以娟潔之姿孤介之行凌厲之標清脩之學為搢紳所加禮或謂枉其林調貳劇邑果能奉法而子惠于民不期年而報政大府嘉其能凡屬邑踰稱難治者俾君攝其事旬月之間事集而民服其化由是能聲聞于遠近等貴達宦益器重焉每當公餘輒思隱於梅以自適有不可得爰命善畫者繪為圖時一披玩具在目前於心未能屬饜於是翰林諸先生與一時魁秀暨方外之士鳴於詩文者咸歌詠其事其於古先賢哲或寄情於草木或託隱于山林關于當時著之簡冊以垂將來者

靡不搜括比擬以紓其所慕允可尚矣。或者泥其跡而訝曰徐君宦遊四方足跡半天下未嘗一日家食也無戾隱乎解之者曰隱者長位而不返仕者徇祿而不止俱失其中夫人少而學壯而仕既老而名遂身退詎云不可乎。必果於忘世偶木石友麋鹿而後為高洪武五年夏予以官之鄭經孝感耳徐君之名而未之識也。今年春予謫居膠東適徐君任宣課廼獲論交一日出諸名公所贈詩若文以示予屬記予嘗服命稽田嘗覽孝感之名勝白雲董湖蜿蜒秀潤英靈無少貶也故家喬木勃鬱暢遂生意未嘗息也氣運之消長人事之盛衰星離蓬轉誠是人非向來文物冠蓋之盛如徐君者百無一二今天子下詔優老年七十者令致仕君年幾七袞秩滿有日將還於舊鄉葺尔室廬封尔故楹日招耆碩觴詠于梅下以自老則昭代絕無而僅有者也至若葺理之始終廢興之先後當別有特筆記具歲月焉

水泉亭記

雍州之西有縣曰永壽當東西之衝驛傳交馳無虛日四山環于縣山高下騰躍若奔馬也鮮夷曠居民畝處如晨星水苦而易涸民艱於飲飲之者多弗

利劉伯符廬陵儒家子以明經登甲科者世稱劉氏焉伯符承先訓為茂秀以名聞于當道當道者舉貢于天官天官第其明經膺

上薦擢貳于永壽涖政不旬日即召父老至庭下俾擇民之延附于縣者徙縣西偏五屬十連夾驛道而居貨貿遷以便往還未幾翕然成邑民咸服其政水苦病乎民伯符曰朝莫所急者惟水與火民苦於水飲可不擇地鑿井以利民汲廼去城東北僅二里得一石竇中混混而出娟潔不羶酌而飲之味甘而冽寒浸洽于肌膚曰盲哉是泉也舍是他求我俾民性

汲之民昕夕給所需於泉無加損既飲而甘之私相謂曰予飲是泉也爽然而清釋然而怡豁然淪浹而昭蘇非貳令之澤乎伯符遂作亭於泉上名曰水泉亭屬予為之記吁異哉天造地設也水出於地中苟非有本其涸可立待澤烏能周乎民古今泉以名著往牒者不可縷數曰廬曰貪曰益曰愚美惡雖不侔泉固無異也抑泉自取乎其因人而名之伯符今以水名乎泉又絕無而僅見者傳曰水生於水水寒於水又有以標比水藥者夫豈徒名哉霄壤間水為竅清泉又水之清者水固生於泉水又清之至者今伯

符並仕於永壽。律已以庶惠民以澤。是宜託冰泉以自喻。豈卑汙尋常者。敢希其萬一。吾見其不啻晝夜。又足沾溉於將來。俾後之守官登是亭者。知其名亭非虛譽。而有所興起焉。

凌雲軒記

昔司馬相如以詞賦名于漢。漢武帝讀其賦曰。飄飄然有凌雲之氣。蓋取其思致不凡。詞氣高邁也。仙槎居泰和之東。有勝地曰桃源。蕭氏世家焉。蕭氏桃源為著姓。安政又蕭氏之傑然也。其先嘗植樟樹於庭。垂百餘年。而奕葉孫枝。秀發茂衍。凌厲高出。上干烟

德安羅先生集卷二

十六

霄。安政乃構室於其下。日延攬縉紳讀書賦詩。遂扁之曰凌雲軒。以其先世之澤施於後昆。及於生植。昭于日星。著於雲漢。此孝子仁人之心。油然而不可泯者。予聞古人望雲而思親。安政之名軒。其必重於此。而於漢武所稱賞者。則無慕焉。夫軒樓息之地也。雲變化叵測也。今安政嗜學能賤。勉慕古人。其氣浩乎。不可抑遏。將見從龍變化。以其所學聞於當時。詎無知者稱賞。而俾司馬於漢。不得專美於前。若先世之植久而弥茂。同一不朽也。

耐軒記

羅氏先廬自庚子毀于兵燹。各散徙異處。叔寬財父癸卯避兵家于贛。乙巳夏始來歸。泰和卜居於城西。爰即東偏之室。以為燕休之居。前開隙地。列樹嘉植。因其堅樸靚深。高明弘敞。遂自扁之曰耐軒。以旌性嗜古學。俾記之。且告性曰。某託軒以名耐。示某之耐也。某自孩童時。偶羣幼。無忤言。及壯。處心行已。無惡勞。無厭劇。事親順長。無怠乎敬愛。睦宗取友。無廢乎信義。處里鄰。以歡御下人。以誠雖益久。而無少衰遽。遠涉四方。交達官。友素封。貴不能奪。利不能移。跡數不能為吾之忻戚。故能全交。無變乎初終。視令邑好

德安羅先生集卷二

十七

辭。微榮苟利。襲其勢。以資威福。恣情快意。固比於膠漆。弗如也。少弗遂。所欲朝夕。睽若風休。若瓦解。求於耐。何有焉。喪亂且歷。絕脫危急。於帟口者數矣。昨之顛意。得道禍。卒大兵四至。復覓匿窮荒。微天地祖宗之靈。神不瘁於饑寒。靡不瘁乎瘡痍。心思不亂於貧。即不懈于暴悍。幸完室生還。問死吊生。存者無幾。貴或移於賤。而夫節戾行者有之。富或移於貧。而學已喪家者有之。顧某無名世之材。無赫赫之譽。自幼而壯。壯而老。五十。猶一日。無他道焉。耐故也。性關之人。之耐以德。不以形物之耐。以質不以類。松同於

木而耐乎木石出於土而耐乎土其蘖而不夫拱而不傷材具棟梁歷四時貫霜雪根深末茂而不折不拔本耐也若跨巖谷駕河梁震之以雷霆激之以湍瀨亘古今越寒暑頑然而不移塊然而無所貶實耐也其視葩花之榮悴沙礫之飛揚曾不耐於剋刻而英滅漸盡矣矧人於物以血肉之軀事勞乎中憂感乎形能不戕賊于私智外誘以永天命而與木石同耐者固為鮮彼木石者初無思慮所嬰猶或不能免於斧斤之相尋鞭撻之相遭而淪至於朽腐破壞也然人非物比也其能耐於物者貴乎德苟德無微雖

德安羅先生集卷一

十一

耐同於木石矣取焉叔前所告者皆德也固足澤乎身裕乎後而不愧於人則超乎物而獨耐穹壤者其不在斯乎其不在斯乎

方寸齋記

象山徐原選學不務外焉於內脩賦性使然也以富茂之年粹美之質選補為郡庠生未幾陞補于國學展誦莫歌學大加進不數月奉旨分教于山西之孝義縣訓迪有方教學無替即舍館之東構一小室四傍上下深墻不逾庹殆其類方寸齋一時薦紳大夫士以詩文鳴于時諸歲為頌其實且盈然矣洪

武十年詔還京師為當道者所詭使克副荷託權尹于盤屋間來請曰予云孝義四三年足跡半天下起卧飲食無晷刻不在乎方寸乎將揭其名於公署退休之所示不忘也子無靳一言以勵吾志吁原理之於學可謂知所本矣方寸喻至小也入其室虛乎有容潔乎無雜左圖右書渾其朴素措鴻化不見其盈納纖芬未云其脚若雕楹飾極丹樓奎壁潭潭奕奕鱗次鰲飛塵金集于前羣蠹賊于內曾不旋踵而棟抗屋壞其斯方寸齋都烏可與度長絮大哉今原瑾有民社之事視家僅閱戶政聲藉藉聞于人所當加

德安羅先生集卷一

十九

勉者固其所操慎其所履微衆綢繆震凌弗驚充是而登靈臺侍天君昭治於隆平固民於矩度皆由吾方寸推也較彼所存為子孫計者慨慨乎有餘地矣是為之記

光齋堂記

道侔於天晷刻不可晦晦則昏昏焉咸昧其所之求其光昭四表開霽無不自於天下後世可得乎子周子濂溪先生秉豪傑卓異之見當宋德隆盛憫道湮且晦亦加究心於六籍俾聖人之道光侔日星照耀編簡譬昏氣四除盡焉而霽其有功於性聖未學不

亦侈乎黃公庭堅有得於先生謂其襟度若光風若
霽月千萬世稱為美談豈過譽哉秦府鎮軍楊侯字
誠明滁人也前中書郎中文素侯父也當草昧之初
與今太師韓國公並綜簿署佐聖明戡定海宇菁
畫翊贊功不在諸將下天既侈其材弗獲竟用以疾
殞于位惜哉能使名與勛有光史冊祛其昧猶日霽
升亦榮矣侯賦性明敏以世澤襲階武職符膺春隆
備王宿衛夙夜寅畏祇承天休矧世際大明文明符
運東西朔南漸被攸暨靡不囿於聲教侯嗜學喜談
古先聖哲之道恥為章句儒泥於楮守而昧於聞見

德安羅先生文集卷一

十一

也遂大肆力於書詩願義理微密如蠶絲如牛毛詎
能無晦焉求欲白之非微諸蕪洛諸先生弗白也益
慕豔希踪之迺揭光霽名其堂以志所素而徵于文
以記之吁侯職隸武階釋堅韜銳資禮樂以陶其情
其於學亦可謂光明俊偉矣第自艾責加勉少怠焉
則於道晦矣若致養若加察功不可偏替俾中不暴
而和如光風外不昧而潔如霽月學益充焉道積厥
躬無愧於實踐挹聖賢道德之先以承前人之先使
不遇侯少加晦則煥乎光霽永有耀于天地于簡冊
庶不誣於名堂矣

蓬隱記

空同在章江之南山峭拔聯絡綿亘數百里伏廻奇
崛狀類蜿蜒土池最饒沃琅玕紫芝赤箭青精皆扶
輿淑氣所鍾遠深處尤極佳勝有果然逃名者目空
同即蓬萊在人間奚必求之天上耶趙文友章江人
高世士也質茂而行端性慈而誼篤佳空同廿年野
服葛巾左室右鶴飄然若神仙中人日讀老子書尤
究心於靜明學靜明尊旌陽呂宗施教本於忠孝法
不妄傳傳必得人去旌陽數百里劉天游者歸稱得
靜明傳隱于金精山文友往師之歷年久盡得其法

德安羅先生文集卷一

十一

之秘歸則教大行于世凡弭疫殄崇用正截邪靡不
驗者當代播紳先生嘉文友善學不凡書蓬隱二字
以遺之文友因以為別字洪武十四年朝廷需材
國治縣邑長以文友貢擢授長安令長安邑劇事繁
稱難理文友至馭民無他道惟教以孝且忠不數月
民知事上不可欺奉親不敢薄翕然以治稱最他邑
然於蓬隱不能忘于懷徵予文以記之長安即赤縣
親王建國在焉層構邃宇若登瀛若丹嶠皆可縱觀
又烏知蓬隱不在是耶今文友懿行既及民而成治
將見帝太清者必眷其治作俾移神州領民社之

其巨艮若豹關鳳闕又非長安赤縣者必是蓬隱又將求之於神州泥空同章江而求之則狹矣是記畧述文友出處之槩以釋其懷思且為他日取徵云

蘭雪軒記

卉植名最繁類盈穹壤可數計乎賦受有貴不能以自喻喻其可貴而貴之在人入固靈於物也能貴物之可貴斯無愧於為物之靈矣物之貴貴其德能麗非所貴焉牡丹名為富貴羣彙中之最美者也李唐時人貴之貴其艷媚足以悅情足視目而豪家有力者尤競置之誇多而闕靡是皆世俗所貴非大丈夫士

德安羅先生文集卷一

廿二

所貴也蘭類草其質清其氣馨德傳永南蘇清與芝草並稱著之往牒賢有德者比類斯可貴而能貴之者不多見可憫哉西安前衛鎮撫軍事童光長沙攸縣人用武立功情尚清致家嗜蘭環軒盡植蘭以自媚一夕寒陰互凝溫液久闕雪大作階庭盡白辭榮斂秀者泯泯甘朽腐也鎮軍起視之獨蘭清鬱弥茂契所素遂扁其軒曰蘭雪伯年蔡先生與鎮軍交甚善為予誦其槩屬記之嗚呼家難得者天地清氣也人得之固難物得之尤難也蘭雪同一清也氣同清也類同清也清固可貴而可貴在德焉故蘭以馨德

貴雪以潔操貴惟德惟馨也足垂芳足聞遠惟操惟潔也足勵俗足瑞也垂芳而聞遠固可貴也勵俗而瑞也尤可貴也不知其貴者能無愧於天地乎無愧於草木乎鎮軍躬集清稟能貴蘭雪所可貴度越尋常遠矣既揭其名貴用副其實德貴加修俾芳傳奕葉操貴加勵俾瑞著清時大夫士登其軒曰賢哉鎮軍也君子哉鎮軍也蘭與雪所富貴鎮軍之可貴於蘭雪奚少哉

羅德安先生文集卷一

壬辰四月八夜

德安羅先生文集卷一

廿三

羅德安先生文集卷二

德安府同知泰和羅子理著

宋孫 軌

嗣孫夢禹編次

嗣孫學蘇謹錄

序

贈胡潭龍子雨序

里友曾士龍數過予言胡潭龍子雨者麟洲先生之族孫也幼孤力學克自樹立常思弗能世其業思欲走大人君子之門永正其所學廣其所聞見擴充其

德安羅先生文集卷二

所未至惜遭世艱雖益肆力於學恒憊然若不及予甚憫其志而嘉其不倦焉願丐一言以攄其所慕而相其進脩也嗟乎君子雨之用心亦可謂勤矣哉凡物之相類者皆足以亂真也若燕石之於玉魚目之於珠莠之於稂鄭聲之於雅樂皆質之相似聲之相近不可不察非有卓異之見超然之識度能不為所惑者鮮矣要必曰是燕石是魚目是莠是鄭聲蓋物之異類聲之不正者也辨別之委棄之然後所寶者為珠為玉所植者為嘉穀所聞者皆雅音也豈惟物乎其於學也亦然若賊德而壞人心術者皆求異

於聖賢之學也其欺世而盜名為害尤甚必深抑而痛絕之則學古之學斯可以企踵矣夫古之為學者貴於為己不求知於人其窮也獨善而不為利誘其達也無善而不為威屈宜其輔世而範民榮古而名今也世益降趨益下薄於古學溺於近習或資筆墨以徼利達或決性命以饗富貴懷片善抱尺能釣名於一時沽譽於一鄉者皆是也視服聖訓守章句者不可同年而語矣抑予聞之麟洲先生蚤歲遠浮陽賦琵琶亭詩名動江右遂大著其學於荆湘一時搢紳大夫士莫不宗之既而與文衡司取舍凡士之出

德安羅先生文集卷二

于其門而貢天府者若文章若政事皆足以黼黻皇猷羽儀邦家至今為後學所稱頌予未獲識子雨因士龍頗悉其為學之槩噫為子雨者苟能紹先生之學而求無愧於古人之為學吾知其必能寶世瑞而諧雅調也若物類之異淫哇之變眩世而駭俗者豈能移其心補其目而薰感其聽也哉

東安卧雪圖序

東安洛陽人夙尚節槩性無他嗜唯嗜書不倦動已取瓦耳洛陽得賢令時方大雪令按行至安第道徑無行踪令除雪入安室室如磐懸安凍卧欲僵不廢

位畢令問曰胡不出安曰方今雲大作民人多餓詎宜出干人令善其言舉為賢良安仕漢官至大司徒當安為司徒時廷議遣地取予利病不決卒定於安言其功業類此著之往牒不可一二數令以舉安附其名得不朽後之工於畫者繪圖四明徐原瑾尹盤屋之明年出其圖以示予屬題其首予謂安居貧嗜書僵卧不出名節士也在安固宜耳令按行造其第善安言而舉之令非尋常者在令亦宜耳安不枉道求知於令令不取譽而私於安是皆得於遠然者惟得於適然故千百世之下頌而慕之者不衰使必加

德安羅先生文集卷三

三

皇未故為之私其不獻議於後世者寡矣原瑾尹盤屋其賢無愧於洛陽之為令者第未知盤屋之士有賢如安者否乎有則尹必禮之禮之當不翅令之於安也又烏知其無得於適然者苟得於適然盡不盡未可知俾安與令不得專美於前為士者詎可必其世之果無其人哉

送季叔之顓序

寬則性之季叔父也以泰和當江廣之衝凋喪之極武倫和儲蓄虛東南之所必爭征戰之所必會民無所恃賴今年春移家避地之顓以顓之將勇兵強賦

饒地險足以捍拒免暴寇禍於將來迺僦居于水之東秋七月下仙槎性獲一見而弗克傾竭別去又三月來歸太知省先塋過王岳訪仲叔父信則於父病之餘時性客九洲聞之夜燭火走山谷十里許往拜焉既見權甚首詢長幼安否及故舊存亡與生事出處休戚酒酣繼茗飲極談忘倦就枕遽宵分矣翌日偕至九洲訪利川鄒尹于別業為竟日留復別去且圖南上性重有感焉嗟乎當承平時宗姓之親骨肉之誼昕夕不違慶吊不廢篤天倫服聖訓至老死相守望不去里閭猶數晨夕者何其幸耶自世變以來

德安羅先生文集卷三

四

委親戚棄墳墓霆奔星散烏窺鼠伏脫一生於萬死之中全闔室於多難之後上不負宗桃之所托下不乖妻孥之所仰蓋千百中不一二見也以故休咎不相牽生死不相知思一見以舒所慕非旬月則以歲計者要不足恡然會也曾無畧刻之淹而去也不啻星大之急豈人情哉時使之然耳彼安土重遷觸危蹈險覲倖免以資富貴者不可僕數少遂所欲反恩愛而仇讎視仁義同土苴則身殞家殘宗夷族滅非不幸也宜也世道乖綱常數人心一變至此其可悲也夫其可悲也夫抑性葦之聖人之去魯遲遲者示